

大清會典

禮部



凡

內朝之禮。元日。長至次日。

皇帝萬壽聖節。及恭遇

國家慶典。內監設中和韶樂於

乾清宮檐下。設丹陛大樂於


乾清門內。均左右北嚮。

皇帝御太和殿。受羣臣朝賀。畢乘輿還宮。入至

乾清宮檐前。降輿。中和韶樂作。樂章與外朝同。

皇帝御座。樂止。內監下宮門簾。

皇后率



貴妃。

妃。

嬪具禮服詣

乾清宮。

皇后就正中拜位立。

貴妃。

妃。

嬪稍後左右立均北面。丹陛大樂作。奏雖平之章。行六肅三跪三拜禮畢樂止。

皇后率

貴妃。

妃。

嬪各回後宮。內監啓宮門簾引

皇子由東西階陞丹陛上就拜位立東班西上西

班東上均北面。丹陛大樂作。樂章與外朝同行三跪九

叩禮畢樂止退立兩旁北上東西相嚮中和韶

樂作。樂章與外朝同

皇帝降座樂止。

皇子各退。







